

男科下卷目錄

泄瀉門

瀉甚 水瀉 火瀉 水瀉 泄瀉吞酸

痢疾門

邪火內傷辨 痢疾 血痢 寒痢

大小便門

大便不通 實症大便不通 虛症大便不通
小便不通 大小便不通

厥症門

寒厥 熱厥 尸厥 厥症 內傷猝倒 陰虛猝
倒 陽虛猝倒 腎虛猝倒 大怒猝倒 中風不
語 口眼歪邪 半身不遂 半身不遂 口眼歪邪
癰症

癲狂門

癲狂 發狂見鬼 發狂不見鬼 狂症 寒狂
怔忡驚悸門

怔忡不寐 心驚不安 夜臥不睡 恐怕 神氣不
寧

腰腿肩臂手足疼痛門

滿身皆痛 腰痛 腰痛 腰痛 腰腿筋骨痛

腰痛足亦痛 腿痛 兩臂肩膊痛 手足痛

胸背手足頸項腰膝痛 腰痛兼頭痛

心腹痛門

心痛辨 寒痛 熱痛 久病心痛 久病心痛

腹痛 腹痛 冷氣心腹痛 胃氣痛

麻木門

手麻木 手麻 手足麻木 木 腿麻木 兩手

麻木困倦嗜卧 渾身麻木 麻木痛 足弱

筋縮

脇痛門

兩脇有塊 左脇痛 右脇痛 左右脇俱痛

兩脇走注 脇痛身熱 脇痛 脇痛咳嗽

濁淋門

二濁五淋辨 淋症 濁症

腎病門

陽強不倒 陽痿不舉 尿血又便血 疝氣

腎子痛 偏墜

雜方

病在上而求諸下 病在下而求諸上 瘡毒

頭面上瘡 身上手足之瘡疽 統治諸瘡 黃水

瘡 手汗 飲砒毒 補腎 嚏噴法 破傷風

瘋狗咬傷

小兒科

色脉 三關 不食乳 臍不乾 山根 發熱

感冒風寒 驚風 驚風 痢疾 泄瀉 寒瀉

男科一
吐 咳嗽 疳症 口疳流水口爛神方 疳症瀉
痢眼障神方 瘡疾 便蟲 積蟲 痘症回毒方
腫 痘瘡壞症已黑 急慢風 治火丹神方

男科下卷

陽曲傅青主徵君手著

泄瀉門

瀉甚

一日五六十回。傾腸而出。完穀不化。糞門腫痛。如火之熱。苟無以救之。必致立亡。方用截瀉湯。

薏仁

二兩

白芍

二兩

山藥

一兩

黃連

五錢

人參

三錢

車

前子

一兩

茯苓

五錢

澤瀉

二錢

甘草

二錢

肉桂

三分

水煎服

水瀉方用

白朮一兩 車前子五錢 水煎服

此方補腎健脾利水去溼治瀉神效

大瀉

完穀不化。飲食下喉。即出。日夜數十次。甚至百次。人皆知為熱也。然而熱之生也。何故生於胃中之水衰。不能制火。使胃土關門不守於上下。所以直進而直出也。論其勢之急迫。似乎宜治其標。然治其標而不能使火之驟降。必須急補腎中之水。使火有可居之地。而後不至上騰也。方用

熟地

三兩

山萸

一兩

茯苓

一兩

甘草

一兩

白朮

一兩

用

肉桂

三分

車前子

一兩

水煎服

此乃補腎之藥。非止瀉之品。然而止瀉之妙。捷如桴鼓矣。世人安知此也。

水瀉

此乃純是下清水。非言下痢也。痢無止法。豈瀉水亦無止法乎。故人患水瀉者。急宜止遏方用。

白朮

五錢

茯苓

三錢

吳萸

五分

車前子

一錢

五味子

一

錢

水煎服

泄瀉吞酸

泄瀉寒也。吞酸火也。似乎寒熱殊而治法異矣。不知吞酸雖熱。由於肝氣之鬱結。泄瀉雖寒。由於肝木之尅脾。苟用一方以治木鬱。又一方以培脾土。土必大崩。木必大彫矣。不若一方而兩治之。為愈也。方用

白芍

五錢

柴胡

一錢

茯苓

三錢

陳皮

五分

甘草

五分

神曲

五分

車前子

一錢

水煎服

此方妙在白芍以舒肝木之鬱。木鬱一舒。上不尅胃。下不尅脾。又有茯苓車前以分消水溼之氣。則水盡從小

便出。而何有餘水以吞酸刺汁以泄瀉哉。

痢疾門

火邪內傷辨

火邪之血色必鮮紅。脈必洪緩。口必渴而飲冷水。小便必澀而赤濁。內傷之血色不鮮而紫暗。或微紅淡白。脈必細而遲。或浮澀而空。口不渴。即渴而喜飲熱湯。小便不赤不澀。即赤而不熱不濁。此訣也。

痢疾

此症感溼熱而成。紅白相見。如濃如血。至危至急者也。苟

用涼藥止血。熱藥攻邪。俱非善治之法。方用

白芍

二兩

當歸

二兩

枳壳

二錢

檳榔

二錢

滑石

三錢

廣

木香

一錢

萊菔子

一錢

水煎服

一二劑收功。此方妙在用歸芍。至二兩之多。則肝血有

餘。不去尅脾土。自然大腸有傳送之功。加之枳壳檳榔

俱逐穢去積之品。尤能於補中用攻。而滑石甘草木香

調達於遲速之間。不疾不徐。使瘀滯盡下也。其餘些小

痢疾。減半用之。無不奏功。此方不論紅白痢疾。痛與不

痛。服之皆神效。又方

當歸一兩 黃芩七分酒洗 蒼朮一錢 厚朴一錢 大腹皮

一錢 陳皮一錢 水二碗煎一碗頓服

血痢

凡血痢腹痛者。火也。方用

歸尾一兩 黃連三錢 枳壳二錢 白芍一兩 木香二錢

萊菔子二錢 水煎服

寒痢

凡痢腹不痛者。寒也。方用

白芍三錢 當歸三錢 枳壳一錢 檳榔一錢 甘草一錢

萊菔子一錢 水煎服

前方治壯實之人。火邪挾溼者。此方治寒痢。腹不痛者。更有內傷勞倦。與中氣虛寒之人。脾不攝血。而成血痢者。當用理中湯。加木香肉桂。或用補中益氣湯。加熟地。炒乾姜治之。而始愈也。

大小便門

大便不通

此症人以為大腸燥也。誰知是肺氣燥乎。蓋肺燥則清肅之氣不能下行於大腸。而腎經之水僅足自顧。又何能旁

流以潤澗哉方用

熟地

三兩

元參

三兩

升麻

三錢

牛乳

一碗

火麻仁

一錢

水二碗煎六分將牛乳同調服之

一二劑必大便矣此方不在潤大腸而在補腎大補肺夫大腸居於下流最難獨治必須從腎以潤之從肺以清之啟其上竅則下竅自然流動通利矣此下病上治之法也

實症大便不通方

太黃

五錢

歸尾

一兩

升麻

五分

蜜半盃水煎服

此方太黃泄利。當歸以潤之。仍以為君。雖泄而不至十分猛烈。不致有亡陰之弊。況有升麻以提之。則泄中有留。又何必過慮哉。

虛症大便不通

人有病後大便秘者。方用

熟地 一兩
元參 一兩
當歸 一兩
川芎 五錢
桃仁 十粒
火麻仁 一錢
紅花 三分
太黃 三分
蜜半盃水煎服

小便不通

膀胱之氣化不行。即小便不通。似宜治膀胱也。然而治法